


The background of the entire page is a photograph of a landscape at dawn. A bright sun is rising behind a range of dark mountains, creating a golden glow across the sky and the foreground. In the lower part of the image, there are silhouettes of trees and bushes. The overall color palette is warm, dominated by yellows, oranges, and browns.

Ang Banagbanag

Ang Mantalaan sa Presensya ni Kristo

The Dawn in the Cebuano dialect

Ang Tinapay Sa Kinabuhi

Yabeng Bersikulo:
“Ug si Jesus mitubag
kanila, “Ako mao ang
tinapay nga
nagahatag ug
kinabuhi; siya nga
moari kanako dili
gutomon, ug siya nga
mosalig kanako dili
gayud uhawon.”
—Juan 6:35

Piniling Sulat:
Juan 6

mausik.—Juan 6:10-12

Pagkahuman sa milagro, ang katawhan nangandoy nga mapugos nila’g kuha ang Magtutudlo ug himoon siya nga hari. Sa Pagkaamgo ni Hesus nga dili kini mao ang plano sa iyang Amahan, si Hesus migawas gikan sa kadaghanan ug mipahuway didto sa kamingawan para makigsugilon sa Diyos.—vss. 14,15

Lain pang panghitabo nga naghatag ug ebidensya sa Balaanong pagpili kang Kristo mao ang paglakaw ni Kristo sa dagat aron pagtagbo sa iyang mga tinun-an nga nagsakay sa sakayan tunga- tunga sa bagyo.—vss. 19-21

Kini nga hitabo usa ka lain pang higayon nga naghatag ug interes sa mga tawo kang Hesus. Para sa kadaghanan, kini nga interes dili tungod kay si Hesus mao ang gipadala sa Diyos dinhi sa kalibotan. Kon dili tungod sa nagkataas nilang tumong nga masuksok siya nga mag lider

USA SA PAGPAKITA NI KRISTO sa iyang otoridad ug gahum, mao kadtong pagpakaon niya sa kadaghanon gikan sa lima ka tinapay ug duha ka isda.

“Ug si Jesus miingon, Palingkora ang mga tawo.” Ug didtoy daghang balili niadtong dapita, busa ang mga tawo nanglingkod nga may gidaghanon nga mga lima ka libo. Ug unya gikuha ni Jesus ang mga tinapay, ug sa nakapasalamat na siya, iyang giapod-apod kini ngadto kanila nga nanaglingkod; maingon man usab ang isda, kutob sa ilang gusto. Ug sa nangabusog na sila, siya miingon sa iyang mga tinun-an, “Hipusa ninyo ang mga tipik nga nanghibilin aron walay

aron mahimo silang gawasnon gikan sa mga Romano. Ang Magtutudlo makabasa kung unsa ang anaa sa ilang mga hunahuna ug gipaninguha niya nga dili lamang siya pagailhon tungod sa mga milagro, hinonoa iyang gitinguha nga siya dawaton ug ilhon isip mao ang Mesiyas ug nga sila mosunod kaniya.—vss. 25-27

Sa pagkapakyas nila nga mailhan nila ang mga pulong ni Kristo, ang gidaghanon nangutana kaniya ug senyales nga maghatag nila ug rason para motoo sila kaniya. Gitandi nila ang nahitabo tali sa iyang pagpakaon sa ilang taliwala ang may lima ka libo ka tawo ug sa pagpakaon sa tibook Israel niadtong panahon ni Moses didto sa kamingawan, kung diin ang mana gikan sa langit maoy nag sustener sa ilang mga katigulangan sulod sa kwarenta ka tuig. Gitul-id ni Hesus ang ilang hunahuna pinaagi sa pagtudlo kanila sa kamatouran nga ang Diyos ug dili si Moses ang naghimo niadtong espesyal nga pagkaon. Iya usab nga gipahayag nga ang matood nga tinapay sa Diyos nga nagagikan sa langit maghatag ug kinabuhi sa kalibotan.—vss. 30-33

Sa atong yabeng bersikulo, Gipaila ni Hesus ang iyang kaugalingon nga mao ang “tinapay sa kinabuhi,” ug miingon nga kinsa kadtong moduol kaniya dili gayod gutomon ug uhawon. Sa kinatibuk-ang kahulugan, ang Magtutudlo nagpasabot nga ang pagduol kaniya mao kadtong pagduol nga adunay mga gihandom nga pagkamatarong.

Ang espesyal nga imbitasyon gitugyan kanato sulod niining Gospel Age o Panahon sa Ebanghelyo karon. Kini gitunol niadtong andam nga mohatag sa ilang kinabuhi pinaagi sa pagsunod sa mga ehemplo ni Kristo nga pagpas-an sa iyang krus ug pagtalikod sa iyang kaugalingon aron mamahimong parte kaniya nga mopuyo didto sa langit.—Mateo 16:24

Mapasalamaton kita nga ang tawhanong pamilya sa kinatibuk-an adunay umalabot nga higayon nga makadawat ug kinabuhing walay katapusan dinhi sa yuta pinaagi sa pagtoo ug pagtuman sa nabanhaw nga Magtutudlo ug Hari. “Kay ang kabubut-on sa akong Amahan mao kini, nga ang matag-usa nga makakita sa Anak ug mosalig kaniya makabaton sa kinabuhing dayon, ug pagabanhawon ko siya sa kaulahian nga adlaw.”—Juan 6:40

Ang Maayong Magbalantay

Yabeng Bersikulo:

***“Ug sa madala na
niya sa gawas ang
tanang nga iyang
kaugalingon, siya
molakaw nga
magauna kanila, ug
kaniya magasunod
ang mga karnero, kay
sila makasabut man
sa iyang tingog.”***
—Juan 10:4

Piniling Sulat:
Juan 10:1-18

NIINI NGA PAGTULUN-AN, ANG MAGTUTUDLO, migamit ug paghulagway nga pinulungan o lengwahe aron sa pagsaway sa mga Pariseo sa ilang kapakyasan nga mutabang ug mudasig niadtong gihulagway nga isip usa ka karnero nga midawat kang Kristo nga mao ang tinood nga magbalantay, ug maka angkon sa dugay na gisaad nga gingharian sa Diyos.—Mateo 23:13

Si Hesus misulti sa mga Pariseo mahitungod niini ug mideklarar, ““Sa pagkatinuod, sa pagkatinuod, magaingon ako kaninyo, nga ang tawo nga mosulod sa toril nga dili moagi sa pultahan kondili mokatkat sa laing kaagian, kana siya kawatan ug tulisan. Apan ang mosulod agi sa pultahan mao ang magbalantay sa

mga karnero. Siya pagaablihan sa portero, ug ang mga karnero magapatalinghug sa iyang tingog, ug ang iyang kaugalingong mga karnero pagatawgon niya sa ngalan ug pagamandoan niya sila paingon sa gawas.”—Juan 10:1-3

Ang “portero” nga nahisgutan sa unahan naga reprepresentar sa “Law Covenant” of “Kasabutang Balaod.” Ang iyang mga kinahanglanon natuman pinaagi ni Kristo nga nahidangat sa iyang pag-antos nga kamatayon.

Ang atong yabeng bersikulo nagapakita sa matahom nga panagsuud tali kang Kristo ug sa iyang iglesia sa kinatibuk-an sa Gospel Age o Panahon sa Ebanganhelyo. Ang karnero nga nagtuman sa iyang tingog gihulagway niadtong mga nagdawat sa pahimangno pinaagi sa pagsunod sa tingog sa iyang Magtutudlo nga gipadayag sa kasulatan. Mailhan sila

usa-usa sa magbalantay inig tawag niya sa ilang mga ngalan ug giyahan sila.

Adunay daghang mini nga mga tingog sa kalibutan karon nga nagpaka aron ingnon nga tawag sa Magbalantay. Kini naghimo ug mga makapailad nga mga teyoriya o hunahuna nga wala mahiuyon sa mga gitudlo ni Hesus o sa mga Apostoles. Bisan unsa nga pagsulay sa pagkabot sa kaluwasan pinaagi sa maayong mga buhat apan gi balewala ang pagantos ni Hesus para malukat ang katawhan, maoy usa ka pag lingla sa plano sa Diyos para sa kaluwasan sa katawhan. Ang Bibliya dayag nga nagpahayag nga walay bisan kinsa nga maka relasyon sa Amahan nga dili una moadto kang Kristo. Siya ang katagbawan sa mga sala sa iglesia ingon man sa tibook kalibutan.—Juan 14:6; I Juan 2:2

Sulod sa Gospel Age o Panahon sa Ebanghelyo, Si Kristo nagabantay ug nagpanalangin sa mga karnero. Kini nga mga karnero gihulagway nga “little flock”o “gamay nga pundok.” (Lukas 12:32) Kadtong mga ania dinhi nahiapil nga klase kalagmitan gibiy biay sa mga ginatawag nga mga kalibutanon.

Hinoon, adunay umalabot nga probisyon para niadtong mibatok sa tinood nga karnero, “Ug ako adunay ubang mga karnero nga dili sakop niining torila. Kinahanglan pagamandoan ko usab sila, ug sila magapatalinghug sa akong tingog. Ug usa ra unya ang panon, ug usa ang magbalantay.”—Juan 10:16

Ang Maayong Magbalantay naghatag sa iyang kinabuhi isip “lukat para sa tanan, nga pagapamatud-an sa hustong panahon.” Busa, ang iyang probisyon gihatag aron sa paghalad sa kaluwasan para niadtong mamahimong karnero isip tipik sa kalibotanong panon sa gingharian sa Diyos.—I Tim. 2:4-6

Sa pag abot ni Kristo sa iyang himaya, sa panahon unya sa iyang pagdumala sa Milenyo uban sa iyang iglesya ug toril nga karnero sa karon nga Panahon sa Ebanghelyo, iyang pagahukman ang katawhan sa katarong. (Mateo 25:31-33) Ang tanan nga naga sunod sa kabubut-on sa langitnong laraw nga gipatuman niadtong panahona, kon ang tibook kalibutan makaila sa Magtutudlo, molambo ug makaangkon ug kinabuhing walay katapusan. “Ang Espiritu ug ang Pangasaw-onon nagaingon, ‘Umari ka.’ Ug siya nga nagapatalinghug, paingna, ‘Umari

ka.' Ug ang giuhaw paaria; ang may tinguha, paimna sa walay bayad nga tubig nga nagahatag sa kinabuhi."—Pinadayag 22:17

Ang Pagkabanhaw Ug Ang Kinabuhi

***Yabeng Bersikulo: “Si
Jesus miingon kaniya,
“Ako mao ang
pagkabanhaw ug ang
kinabuhi. Ang
mosalig kanako, bisan
siya mamatay,
mabuhi siya.”
—Juan 11:25***

***Piniling Sulat:
Juan 11:1-27***

SA NAGHINAPOS NA ANG IYANG pagsangyaw sa kalibutan, si Hesus nakadawat ug mensahe gikan ni Maria ug Marta nga taga Betanya nagpahibalo, nga ang ilang igsoon nga si Lazarus, ang suod nga higala sa Magtutudlo nagmasakit. Human maghulat ug duha ka adlaw, hangtod nga si Lazarus namatay, si Hesus misugyot nga mobalik sa Betanya sa Hudeya. Apan ang iyang mga tinun-an nabalaka sa iyang kaluwasan tungod kay ang iyang mga kaaway, nagtinguha nga batoon siya.—Juan 11:1-8

Ang Magtutudlo nasayod na daan sa tanang kahimtang mahitungod sa iyang pag bisita sa Betanya. Iyang gipakita nga ipadayon niya ang iyang mga plano. Si Hesus nakasabot ug nakabalo nga ang milagro nga iyang pagahimoon makadugang ug kapungot sa iyang mga kaaway.

Sa dihang miabot si Hesus sa Betanya, mitagbo kaniya si Marta nga naghambin sa kagool ug pagmahay nga wala dayon siya moabot ug sayo. “Ug si Marta miingon kang Jesus, Ginoo, kon dinhi pa ikaw dili unta mamatay ang akong igsoon. Hinoon nahibalo ako nga bisan karon ang tanan nga imong pangayoon sa Dios, kini igahatag kanimo sa Dios.”—vss. 21,22

Ug gitubag ni Hesus nga ang iyang igsoon nga si Lazarus mobangon pag usab. (vs. 23) Ang pagpaila sa hunanahuna ni Marta mahitungod sa pagbanhaw, importante nga atong sabton nga ang Magtutudlo wala magsulti nga si Lazarus wala mamatay. Ang kinatibuk-ang pagtoo sa

tanang tomotoong Hudeyo niadtong panahona mao ang paglaum sa pagkabanhaw sa umalabot nga mga adlaw nga makab-ot pinaagi sa langitnong gahum. (vs. 24) Mao kini ang importanteng mensahe nga angayan isangyaw sa mga tomotoo, ilabi na tungod sa nagpadayon nga teyoriya sa tawo nga ang patay aduna pay kalag nga buhi.

Ang kamatayon kung tan-awon sa kasulatan, mao ang pag undang sa pag ginhawa o pagkawala na sa kinabuhi. Ang bibliya klaro nga naga ingon nga ang patay wala nay kahibalo. (Eccles. 9:11) Kung dili pa tipik sa langitnong plano nga si Hesus ang himoon nga molukat sa sala ni Adan ug sa kinatibuk-ang katawhan, ang kamatayon mamahimong usa ka walay katapusang kondisyon nga wala nay paglaum nga kagawasan.

Ang yabeng bersikulo nagpasabot nga ang atong paglaum para sa kinabuhi naka sang-at diha kang Kristo. Ang bugtong paagi kung diin ang tanang patay bangonon pag usab ug makakab-ot ug kinabuhi mao ang iyang gahum sa paglukat ug pag-antos nga pamayad. Kini mao ang kamatuoran dili lamang sa iglesya nining panahon sa Ebanghelyo ingon man usab sa kinatibuk-ang katawhan sa gingharian sa Diyos.

Ang kinatumyan niini nga leksyon naamguhan sa dihang gipakita ni Hesus kon ngano nga wala siya mobyahe paingon sa Betanya sa wala pa mamatay si Lazarus.” Ug sa nakasulti na siya niini, siya misinggit sa makusog nga tingog nga nag-ingon, “Lazaro, gula ngari!” Ug ang namatay migula, ang iyang mga kamot ug mga tiil binugkosan ug mga bendahi, ug ang iyang nawong naputos ug panyo. Si Jesus miingon kanila, “Badbari ninyo siya, ug palakta siya.” Tungod niini misalig kaniya ang daghan sa mga Judio nga nangadto uban kang Maria ug nakakita sa gibuhay ni Jesus.”—Juan 11:43-45

Kon ang pagbangon ni Lazarus naka kombinsir sa mga Hudeyo kung unsa ang mahimo sa langitnong gahum, hunahunaa kung unsa unya nga kalipay ang tagamtamon kon muabot na ang gingharian sa Diyos ug susama nga mga milagro ang mahitabo sa tibook kalibutan.—Isa. 35:10

Ang Dalan, ang Kamatuoran Kinabuhi

***Yabeng Bersikulo: “Si
Jesus mitubag kaniya,
Ako mao ang dalan,
ug ang kamatuoran,
ug ang kinabuhi;
walay bisan kinsa nga
makaadto sa Amahan,
gawas kon pinaagi
kanako.”***

—Juan 14:6

Piniling Sulat:

Juan 14:1-14

SA KATAPUSANG GABII NI HESUS sa kalibutan, atong mahanduraw ang kagoul ug kahadlok nga gibati sa ilang dughan sa iyang napulog usa ka mga piniling tinunan. Una, ang Magtutudlo nagpakaulaw sa paghugas sa ilang mga tiil. Ug sa human nga mahatag ang pagkaon ngadto kang Hudas, migawas siya gikan sa mga kauban. Pagkahuman, si Hesus miingon siya sa tanan, nga sila masakitan tungod kaniya, ug gi espesyal niya pag ingon si Pedro nga iyang isalikway iyang Magtutudlo sa makatulo inig tuktugaok sa manok.

Mipadayon si Hesus pagahatag ug mga pulong pag lipay ug paglingaw sa iyang mga tinun-an nga nahitala sa ebanghelyo ni Juan. “Kinahanglan dili magkaguol ang inyong kasingkasing. Sumalig kamo sa Dios, ug sumalig usab kamo kanako. Sa balay sa akong Amahan anaay daghang puy-anan; kon dili pa, moingon ba unta ako kaninyo nga moadto ako aron sa pag-andam ug luna alang kaninyo? Ug sa mahiadto na ako ug makaandam na akog luna alang kaninyo, moanhi ako pag-usab ug pagadawaton ko kamo nganhi uban kanako, aron nga diin gani ako atua usab kamo. Ug kamo nakatultol na sa dalan sa akong pagaadtoan.”—Juan 14:1-4

Si Tomas nga naglibog kung unsay gipasabot sa iyang mga gisulti nangutana. Gipasabot ni Hesus sa atong yabeng bersikulo nga siya ang “dalan” kay tungod sa pagsakripisyo sa iyang tawhanong kinabuhi ang lukat bayad mahatag. Sunod niana, iyang ihatag ang mga pasangil sa iyang kaayo ngadto sa mga makasasala, aron mahimo silang madawat sa

Amahan. Siya ang “kamatuoran” tungod kay pinaagi lamang sa iyang mga pulong nga adunay paglaum nga makab-ot ug walay katapusang panag uyon uban sa Diyos. Siya usab ang “kinabuhi.” Ang tibook pamilya sa katawhan gilaglag sa kamatayon tungod sa pagsupak ni Adan. Walay maangkon nga posibilidad nga paglaum sa kinabuhing umalabot nga dili mo ila nga si Kristo, pinaagi sa iyang pag-antus, mamahimong maoy mohatag ug kinabuhi, una sa iglesya ug sa kaulahian para sa kalibutan sulod sa panahon sa gingharian sa Diyos.

Si Kristo misaad usab nga iyang ipadala ang iyang Espiritu Santo aron mogiya sa iyang mga tinun-an human siya mopanaw gikan kanila. “Ug ako mangamuyo sa Amahan, ug kamo iyang pagahatagan ug laing Manlalaban nga magapakig-uban kaninyo hangtud sa kahangturan, nga mao ang Espiritu sa kamatuoran, kang kinsa ang kalibutan dili makadawat tungod kay ang kalibutan dili man makakita kaniya ni makaila kaniya. Apan kamo nakaila na kaniya, kay siya nagapuyo man uban kaninyo, ug muanha siya sa sulod ninyo. Dili ko kamo pagabiyaan na daw mga ilo; ako mobalik ra kaninyo.”—vss. 16-18

Sa adlaw sa pangilin sa Pagkunsad sa Espiritu Santo o Pentekoste, ang mga tinun-an nakadawat ug mga espesyal nga mga gasa ug sila espesyal nga gitudlo nga maoy magapahibalo sa pagkabanhaw ni Kristo. Sila gisugo para ipahibalo nga pinaagi sa paghinulsul ug pagbunyag, sila makaangkon sa Espiritu Santo, kung diin mismo ang mga apostoles nakabaton niini sa sayo pa sa mao gihapong adlaw. —Buhat 2:4,22-41

Ang mga totoo karon nga nakaangkon sa Espiritu Santo giawhag nga ilang palambo ang mga bunga sa Espiritu Santo. Gitala ni Apostol Pablo kini nga mao ang “gugma, kalipay, kalinaw, mapailubon, kalooy, pagkamaayo, pagtoo, pagkaaghop, pagpugong sa kaugalingon, kining mga butanga wala mahisupak sa bisan unsang balaod.” Midugang pa siya “Ug ang mga iya ni Cristo Jesus nanaglansang sa ilang unod diha sa krus dala ang mga pangibog ug mga tinguha niini. Kon kita nangabuhi man diha sa Espiritu, nan, kinahanglan managgawi usab kita diha sa Espiritu. Dili kita magmatinguhaon sa dungog nga kawang, nga makapahagit sa usa ug usa, nga makapasina sa usa batok sa usa.” (Gal. 5:22-25) Mapasalamaton kita sa oportunidad nga mabag-o sa mao nga paagi. Kinahanglan nga maoy atong tinguhaon nga atong ipakita nga angayan kitang dawaton sa atong langitnong Amahan ug maabit nato ang

pribilihiyo nga mouban kang Kristo sa gingaharian.—Rom. 12:1,2; 8:14-1